



Uunga  
Inatsisartunut ilaasortaq  
Aqqaluaq B. Egede  
Inuit Ataqtigiit

11-02-2019  
Suliap nr. 2019 - 2784  
Akt. id. 9929579

**Ulloq unnuarlu paaqqinniffinnut tunngatillugu § 37 naapertorlugu apeqqutip nr. 2019-75-ip akineqarnera**

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: iian@nanoq.gl  
www.naalakkersuisut.gl

Inatsisartut suleriaasianni § 37 naapertorlugu ulloq unnuarlu paaqqinniffinnut tunngatillugu apeqqutinik Naalakkersuisunut nassiussaqaqarsimavutit. Apeqqutit akisassanngorlugit uannut nassiunneqarsimapput.

**1. Ulloq unnuarlu paaqqinniffiit pillugit nalunaarut nutaaq ulluni sorlerni tusarniaassutigineqarsimava?**

Nalunaarut 4. oktobarimiit 7. novembari 2018-imut tusarniaassutigineqarsimavoq.

**2. Ulloq unnuarlu paaqqinniffiit pillugit nalunaarut nutaaq kikkunnut tusarniaassutigineqarsimava?**

Nassiunneqartunut allattorsimaffik ilanngunneqartoq takuuk.

**3. Tusarniaanermi nalunaarut nutaaq pillugu ulloq unnuarlu paaqqinniffinnut namminersortunut toqqaannartumik tusarniaassutigineqarluni nassiunneqarsimava?**

Naalakkersuisut tusarniaanermut nittartagaanni naalakkersuisut.gl-imi nalunaarut tamanut ammasumik tusarniutigineqarpoq, tassungalu atatillugu tusagassiuutinut nalunaarummik tamatumunnga uparuaasumik nassiussisoqarluni. Tamatuma saniatigut nalunaarut toqqaannartumik Isumassortinut nassiunneqarpoq, taanna peqatigiiffiuvoq suliffeqarfiit imminnut ingerlatittut ilaanik sinniisuusoq.

**4. Nassiunneqarsimappat piffissami tusarniaanerup nalaani ulloq suna nassiunneqarpa?**

Nalunaarut tusarniaaffigineqartartunut ataatsikkut nassiunneqarpoq.

**5. Ilumoorpa ulloq unnuarlu paaqqinniffiit siulersuisuisa kikkunnik inuttalersugaanissaat pillugu nalunaarummi nutaami aalajangersaasoqarsimasoq?**

Naamik, tamanna kisimi ingerlatseqatigiiffinnut inatsisitigut malittarisassani malinneqarpoq.

**6. Ulloq unnuarlu paaqqinniffiit namminersortut sulisuminnik akissarsiaqartitsinerat pisortat ulloq unnuarlu paaqqinniffiutaannik qaffasinnerusumik akissaasersuippat?**

Tamanna Naalakkersuisunit misissorneqarnikuunngilaq.

**7. Ulloq unnuarlu paaqqinniffinni meeqqat najugaqartut kissaatigippassuk, ineeqqami ataatsimi najugaqatigiissinnaanerat nalunaarummi periarfissaajunnaartoq ilumoorpa?**

Naamik.

**8. Nalunaarummi pisoqqami nalunaarummilu nutaami meeqqat pisinnaatitaaffiinik illersuinerulerneq sutigut pisoq Naalakkersuisut tunngavilersorsinnaavaat?**

Meeqqat pisinnaatitaaffiisa qulakkeerinniffiunissaat aalajangersakkani siunertaavoq. Assersuutissanut ilaavoq meeqqat ineeqqami najugaqatigiissinnaanerat, tamanna meeqqap illersornissaanut pingaaruteqarpat.

**9. Ulloq unnuarlu paaqqinniffiit namminersortut siulersuisuisa inuttalersorneqarnerat nalunaarummi piumasaqaatigineqartoq assigalugu pisortat aningaasalersugaanni allani siulersuisoqarnikkut aamma Naalakkersuisut piumasaqaasersuinissartik naatsorsuutigaat?**

Tamanna massakut pilersaaruteqarfiunngilaq.

**10. Atuarfiit namminersortut, suliffeqarfiit sanaartortut pisortaniit aningaasaliiffigineqartartut, suliffeqarfiit inuiaqatigiit pisassiissutaannit aningaasarsiornikkut ingerlanneqartut allarpasuillu siulersuisuisa inuttalersugaanerat pillugu Naalakkersuisut nutaanik piumasaqaateqalerniarpat?**

Tamanna massakut pilersaaruteqarfiunngilaq.

**11. Isumaginninnermut Naalakkersuisup uppersarsarsinnaavaa nalunaarut nutaaq Naalakkersuisut ataatsimoortut isummerfigisimangikkaat, tamannalu Isumaginninnermut Naalakkersuisuunikup nammineq atsiorsimagaa?**

Naamik, nalunaarut Naalakkersuisut ataatsimoorlutik akuersissutigisimavaat.

**12. Nuummi, Kangerlussuarmi aamma Maniitsumi ulloq unnuarlu paaqqinniffiit namminersortut Naalakkersuisuniit qanoq politikkeqarfigineqarpat?**

Naalakkersuisut ulloq unnuarlu paaqqinniffinnut aalajangersimasunik politikeqanngillat, paarlattuanilli nalunaarut aqputigalugu ulloq unnuarlu paaqqinniffinnut Namminersorlutik Oqartussanit pigineqartunut tamanut malittarisassanik assigiinnik aalajangersaasimallutik.

**13. Meeqqat pisinnaatitaaffii patajaatsumik atuutsilerniarlugit ulloq unnuarlu paaqqinniffiit qanoq ittut Naalakkersuisuniit pilersinniarneqarpat?**

Ulloq unnuarlu paaqqinniffiit tamarmik, nutaannginneruppata nutaajuppataluunniit, immikkut pitsaassutsimut piumasaqaatit malillugit akuersissutigineqartussaapput, tassanilu meeqqat pisinnaatitaaffiisa patajaallisarnissaat siunertaavoq.

**14. Unammilleqatigiinneq pillugu Inatsisartut inatsisaat tunngavigalugu aalajangersakkat malillugit suliffeqarfiit namminersortut aningaasaqarnerat qanorlu siulersuisoqarnerat pillugu equititsisumik aalajangersaasoqarsimasoq Naalakkersuisut uppersarsinnaavaat?**

Naamik.

**15. Isumaginninnermut Naalakkersuisup nalunaarut suleqatigiinnerulernermik kinguneqanngitsoq, meeqqallu kissaatigisaannut ilaatigut killiliisoq allanngortinneqarnissaa siunertaraa?**

Naamik, nalunaarut tamanut ulloq 25. januaari 2019 saqqummiunneqarpoq, ullorlu 1. februaari 2019 atuutilersussaalluni.

Inussiarnersumik inuulluaqqusillunga



Martha Abelsen

## **Nassitassanut allattuiffik**

### **Meeqqanut ulloq unnuarlu paaqqinniffinnik pilersitsineq ingerlatsinerlu pillugit Namminersorlutik Oqartussat nalunaarutissaannut missingiutip tusarniutigineqarnissaa pillugu**

Naalakkersuisut Siulittaasuata Naalakkersuisoqarfia

Pinngortitamut Avatangiisinullu Naalakkersuisoqarfik

Ineqarnermut Attaveqaqatigiinnermullu Naalakkersuisoqarfik

Aningaasaqarnermut Naalakkersuisoqarfik

Inuussutissarsiornermut Nukissiuuteqarnermullu Naalakkersuisoqarfik

Aatsitassanut, Suliffeqarnermut Nunamullu Namminermut Naalakkersuisoqarfik

Ilinniartitaanermut, Kultureqarnermut, Ilageeqarnermut Naalakkersuisoqarfik

Nunanut Allanut Naalakkersuisoqarfik

Aalisarnermut, Piniarnermut Nunalerinermullu Naalakkersuisoqarfik

Peqqissutsimut Ilisimatusarnermullu Naalakkersuisoqarfik

Kommuneqarfik Sermersooq

Kommune Kujalleq

Qeqqata Kommunia

Avannaata Kommunia

Kommune Qeqertalik

Isumaginninnermi Naammagittaalliuuteqartarfiup pisortatigoortumik allakkanik tiguisarfia

Meeqqat illersuisuat MIO

Inuit pisinnaatitaaffiit Kalaallit Nunaata Siunnersuisoqatigiivi

Institut for Menneskerettigheder

Kalaallit Nunaanni Pinerluttunik Isumaginnittut

Grønlands Politi

Isumassortit (Meeqqanut ulloq unnuarlu paaqqinniffiit imminut pigisut ilaasa peqatigiiffiat)

IMAK (Ilinniartitsisut Meeqqat Atuarfianeersut Kattuffiat)

INOOQAT (Angajoqqaat ineriartornermigut akornutilimmik meerallit peqatigiiffiat)

Foreningen Grønlandske Børn

Kalaallit Røde Korsiat

Kattuffik Utoqqaat Nipaat

ISI (Kalaallit Nunaanni tappiitsut isigiarsuttullu peqatigiiffiat)

KTK (Kalaallit Nunaanni tusilartut kattuffiat)

Sorlak (Kalaallit Nunaanni meeqqat inuusuttullu siunnersuisoqatigiiffiat)

SPS (Socialpædagogisk Seminarium)

MIBB (Peqatigiiffik Meeqqat Inuunerissut / Bedre Børneliv)

Kalaallit Nunaanni timersoqatigiit kattuffiat

NISIIP (Kalaallit Nunaanni inunnik siunnersortitut ilinniagallit peqatigiiffiat)

Atorfillit Kattuffiat (Suliatigut peqatigiiffik)

SIK (Suliatigut peqatigiiffiit Kattuffiat)

Nunatsinni Perorsaasut Kattuffiat (Suliatigut peqatigiiffik)

Landsforeningen Autisme, kreds Grønland

Angajoqqaatigiit (Meeqqanik ADHD-qartunik aamma/imaluunniit autisimeqartunik angajoqqaat peqatigiiffiat)